



JAVNA USTANOVA
BOSANSKI KULTURNI CENTAR
KANTONA SARAJEVO

Na osnovu člana 9. stav (1) Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, br. 104/22), člana 27. stav (1) alineja 6. Zakona o ustanovama („Službeni list R BiH“, br. 6/92, 8/93 i 13/94), člana 1. i 13. Odluke o spajanju javnih ustanova kulture u Javnu ustanovu „Bosanski kulturni centar Kantona Sarajevo“ („Službene novine Kantona Sarajevo“, br. 37/14, 44/17 i 11/19-prečišćeni tekst), člana 34 i 38. tačka f) Pravila Javne ustanove Bosanski kulturni centar Kantona Sarajevo (br. 1128-01-1/18 od 11.12.2018. godine), te Mišljenja Ministarstva finansija Kantona Sarajevo (br. 08-11-11134/23 od 19.09.2023. godine), Upravni odbor Javne ustanove Bosanski kulturni centar Kantona Sarajevo, na sjednici održanoj dana 16.10.2023. godine donosi:

**PRAVILNIK O VRSTAMA VLASTITIH JAVNIH PRIHODA
JAVNE USTANOVE BOSANSKI KULTURNI CENTAR KANTONA SARAJEVO**

I OPŠTE ODREDBE

**Član 1.
(Predmet)**

Pravilnikom o vrstama vlastitih javnih prihoda Javne ustanove Bosanski kulturni centar Kantona Sarajevo (u daljem tekstu: Pravilnik) uređuju se vrste, način i rokovi raspodjele vlastitih prihoda koje ostvaruje Javna ustanova Bosanski kulturni centar Kantona Sarajevo (u daljem tekstu: JU BKC KS), pravni osnov ostvarivanja, namjena i način trošenja vlastitih javnih prihoda.

**Član 2.
(Vlastiti prihodi)**

Pod vlastitim prihodima JU BKC KS podrazumjevaju se prihodi koje JU BKC KS ostvari obavljanjem osnovne djelatnosti i ostalih poslova na tržištu.

II KRITERIJ ZA UTVRĐIVANJE I VRSTE VLASTITIH JAVNIH PRIHODA

**Član 3.
(Kriteriji)**

(1) Kriterij za utvrđivanje vlastitih javnih prihoda JU BKC KS, u skladu sa članom 4. Pravilnika o vrstama vlastitih javnih prihoda u Federaciji BiH, su da :

- a) prihod ne spada u kategoriju poreza, doprinosa, taksi, naknada i kazni;
- b) prihod nije kao javni prihod propisan posebnom odredbom u zakonu;
- c) prihod se ostvaruju obavljanjem aktivnosti na tržištu i u tržišnim uslovima, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada JU BKC KS.



Član 4.

(Vlastiti javni prihodi od iznajmljivanja prostora)

- (1) Vlastiti javni prihodi JU BKC KS od iznajmljivanja prostora koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722642	Vlastiti prihod od iznajmljivanja prostora

- (2) Pravni osnov ostvarivanja vlastitih javnih prihoda iz stava (1) ovog člana jeste Pravilnik o utvrđivanju uslova, cijena i postupaka za iznajmljivanje prostora i opreme u Javnoj ustanovi Bosanski kulturni centar Kantona Sarajevo (br. 04-2-902-2/21 od 22.10.2021. godine) te potpisani Ugovori sa zakupoprincima prostora JU BKC KS u skladu sa važećim propisima.

- (3) Namjena utroška vlastitog javnog prihoda iz stava (1) ovog člana je pokrivanje izdataka za Ugovorene usluge - oznaka konta 613900-, te izdataka za Nabavku stalnih sredstava – oznaka konta 821300, u skladu sa realizacijom usvojenog Plana i programa JU BKC KS.

Član 5.

(Vlastiti javni prihodi od iznajmljivanja opreme)

- (1) Vlastiti javni prihodi JU BKC KS od iznajmljivanja opreme koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722645	Vlastiti prihod od iznajmljivanja opreme

- (2) Pravni osnov ostvarivanja vlastitih javnih prihoda iz stava (1) ovog člana jeste Pravilnik o utvrđivanju uslova, cijena i postupaka za iznajmljivanje prostora i opreme u Javnoj ustanovi Bosanski kulturni centar Kantona Sarajevo (br. 04-2-902-2/21 od 22.10.2021. godine) te potpisani Ugovori sa zakupoprincima opreme JU BKC KS u skladu sa važećim propisima.

- (3) Namjena utroška vlastitog javnog prihoda iz stava (1) ovog člana je pokrivanje izdataka za Unajmljivanje imovine, opreme i nematerijalne imovine - oznaka konta 613600 u skladu sa realizacijom usvojenog Plana i programa JU BKC KS.



Član 6.

(Vlastiti javni prihodi od prodaje usluga, pristupa i korištenja)

- (1) Vlastiti javni prihod od prodaje usluga, pristupa i korištenja koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722651	Vlastiti javni prihod od prodaje usluga, pristupa i korištenja

- (2) Pravni osnov ostvarivanja vlastitih javnih prihoda iz stava (1) ovog člana jesu Odluke direktora o načinu prodaje ulaznica i utvrđivanju kriterija za dodjelu gratis ulaznica i pozivnica u JU BKC KS, te potpisani Ugovori o prodaji ulaznica.
- (3) Namjena utroška vlastitog javnog prihoda iz stava (1) ovog člana je pokrivanje izdataka za Materijal, sitni inventar i usluge - oznaka konta 613400, te izdataka za Ugovorene usluge - oznaka konta 613900, u skladu sa realizacijom usvojenog Plana i programa JU BKC KS.

Član 7.

(Vlastiti javni prihod od pružanja usluga cikličnog obrazovanja)

- (1) Vlastiti javni prihod od oglašavanja proizvoda i usluga koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722656	Vlastiti javni prihod od pružanja usluga cikličnog obrazovanja

- (2) Pravni osnov ostvarivanja vlastitih javnih prihoda iz stava (1) ovog člana su kursevi obrazovanja koje JU BKC KS pruža u sklopu Sektora obrazovanja te potpisani Protokoli o saradnji o pružanju usluga obrazovanja kao i potpisani Ugovori o realizaciji usluga obrazovanja.
- (3) Namjena utroška vlastitog javnog prihoda iz stava (1) ovog člana je pokrivanje izdataka za Materijal, sitni inventar i usluge - oznaka konta 613400, te izdataka za Izdaci usluge prevoza i goriva - oznaka konta 613500, u skladu sa realizacijom usvojenog Plana i programa JU BKC KS.



JAVNA USTANOVA
BOSANSKI KULTURNI CENTAR
KANTONA SARAJEVO

Član 8.
(Vlastiti javni prihod od ostalih aktivnosti)

- (1) Vlastiti javni prihodi JU BKC KS od ostalih aktivnosti koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722659	Vlastiti javni prihod od ostalih aktivnosti

- (2) Pravni osnov ostvarivanja vlastitih javnih prihoda iz stava (1) ovog člana su zaključeni Ugovori o programskoj saradnji, Ugovori o sponzorstvu, Ugovori o kooprodukciji kao i Odluke Upravnog odbora te Odluke direktora na temelju ovlaštenja propisanih članom 38. i 46. Pravila JU BKC KS (br. 1128-01-1/18 od 11.12.2018. godine).
- (3) Namjena utroška vlastitog javnog prihoda iz stava (1) ovog člana je pokrivanje izdataka za Tekuće održavanje - oznaka konta 613700, te izdataka za Ugvorene usluge – oznaka konta 613900, u skladu sa realizacijom usvojenog Plana i programa JU BKC KS.

III PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA

Član 9.
(Planiranje i namjena vlastitih javnih prihoda)

- (1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima Federacije Bosne i Hercegovine te propisima koji uređuju Računovodstvene politike za budžetske korisnike i Trezor Kantona Sarajevo, propisima koji uređuju način plaćanja i trošenja vlastitih javnih prihoda i ovim Pravilnikom.
- (2) Vlastiti javni prihodi JU BKC KS planiraju se kroz Plan budžeta JU BKC KS i izmjene i dopune budžeta JU BKC KS.
- (3) Na osnovu planiranih vlastitih javnih prihoda, planirat će se i rashodi i kapitalni izdaci.
- (4) Vlastiti javni prihodi koristiće se prioritarno za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak će se raspoređivati na tekuće i kapitalne izdatke.



JAVNA USTANOVA
BOSANSKI KULTURNI CENTAR
KANTONA SARAJEVO

Član 10.

(Raspodaganje vlastitim javnim prihodima)

- (1) JU BKC KS raspolaže sa ostvarenim vlastitim javnim prihodima u skladu sa Zakonom o izvršavanju budžeta Kantona Sarajevo i ovim Pravilnikom.
- (2) JU BKC KS može koristiti vlastite javne prihode prema izvještaju Ministarstva finansija Kantona Sarajevo koji se JU BKC KS dostavlja do 15. u mjesecu za prethodni mjesec.
- (3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog JU BKC KS unosit će se i raspoređivat odlukom Vlade i postaju sastavni dio Budžeta.

IV NAČIN UPLATE I TROŠENJA VLASTITIH JAVNIH PRIHODA

Član 11.

(Uplata i trošenje vlastitih javnih prihoda)

- (1) Vlastiti javni prihodi JU BKC KS uplaćuju se na depozitni račun Budžeta Kantona Sarajevo.
- (2) Vlastiti javni prihodi JU BKC KS mogu se naplaćivati i u gotovini.
- (3) JU BKC KS je odgovorna za potpuno i pravovremeno uplaćivanje vlastitih javnih prihoda na depozitni račun.
- (4) JU BKC KS je dužna vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- (5) Vlastiti javni prihodi JU BKC KS moraju se utrošiti do kraja budžetske godine za realizaciju usvojenog Plana i programa JU BKC KS, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine.

Član 12.

(Raspoređivanje ostvarenih i naplaćenih vlastitih prihoda)

JU BKC KS je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.



JAVNA USTANOVA
BOSANSKI KULTURNI CENTAR
KANTONA SARAJEVO

V ZAVRŠNE ODREDBE

Član 13. (Izmjene i dopune)

Izmjene i dopune ovog Pravilnika vrše se na način i po postupku predviđenog za njegovo donošenje.

Član 14. (Stupanje na snagu)

- (1) Ovaj Pravilnik stupa na snagu usvajanjem od strane Upravnog odbora JU BKC KS, i dobijanja pozitivnog mišljenja od strane Ministarstva finansija, a uz saglasnost Vlade Kantona Sarajevo.
- (2) Pravilnik će se objaviti na web stranici JU BKC KS, oglasnoj ploči JU BKC KS i u „Službenim novinama Kantona Sarajevo“.
- (3) Danom stupanja na snagu ovog Pravilnika prestaje primjena Pravilnika o korištenju vlastitih prihoda broj:03-29-1/17 od 08.05.2017. godine.



Predsjednik Upravnog odbora

Mirsad Čatić

Broj: 04-2-809-2/23

Datum: 16.10.2023. godine